

# «ՄԱՅՐ ԱԹՈՒՐ՝ ՀՈԳԵԿԱՆ ՋՐՏՈՒՔ ԻՐ ԺՈՂՈՎՐԴԻՆ»

«Եվ ու՛մ որ Աստված կարգեց եկեղեցու մեջ,  
սրանք եմ, նախ՝ առաջալսենք, երկրորդ՝  
մարգարեներ, երրորդ՝ ուսուցանողներ...»:

/Ա. ԿՈՐՆ.Թ. ԺԲ 28/

Երրորդ՝ ուսուցանողների շարքերը համալրելու պատասխանատու և ոչ դյուրին աշխատանքի իրագործմանն են կոչված Մայր Աթոռ Սուրբ Էջմիածնի Քրիստոնեական դաստիարակության և քաղաքացիական կենտրոնի կազմակերպած կրոնի ուսուցիչների պատրաստման լսարանները, որոնք արդեն երրորդ տարին է. ինչ գործում են: Այդ դասընթացներից առաջինը կազմակերպվեց Երևանում, ապա այն իր ընձուղներն արձակեց հանրապետության այլ վայրերում: Կամավոր սկզբունքով գործող այդ դասընթացների ունկնդիրները դարձան միջին տարիքի տարբեր մասնագիտությունների տեղ մարդիկ, որոնք ցանկացան ամբողջական դասընթացի Քրիստոսի աստվածային սիրուն և խաղաղությանը վերաբերող գիտելիքներ:

Շուտով դասընթացներին Մայր Աթոռի հոգևոր հայրերը ուսուցանեցին քրիստոնեության ընդհանուր պատմություն, Հին և Նոր Կտակարաններ, Հայ Եկեղեցու պատմություն, ինչպես նաև Հայ Եկեղեցու տոներին, ծիսակատարությանը վերաբերող առարկաներ:

Արդեն երրորդ տարին է, ինչ նոյեմբերի 29-ին, Սուրբ Թադեոս և Սուրբ Բարդուղիմեոս առաջալսների հիշատակի օրը, Մայր Աթոռ Սուրբ Էջմիածնի են այցելում կիրակնօրյա դպրոցների գործող և ապագա ուսուցիչներ՝ մասնակցելու Ն.Ս.Օ.Տ.Տ. Գարեգին Ա Վեհափառ Հայրապետի բարձր կարգադրությամբ սահմանված քրիստոնեական դաստիարակության օրվան նվիրված սեմինարին:

Այս տարի այդ օրը նշանավորվեց ևս մեկ կարևոր իրադարձությամբ: Դասընթացի այն մասնակիցները, որոնք հաջողությամբ հանձնել էին բնույթընկերներ, ստացան ավարտական վկայականներ: Այդ հուզումնալից իրադարձությանը ներկա էին թեմակալ առաջնորդներ, հոգևոր այրեր, հյուրեր: Մայր Աթոռը առաջին անգամ կրոնի ուսուցչի վկայականներ էր տալիս, որով կատարում էր մեծագույն մի առաջնություն՝ համալրելով քրիստոնեական կրոն ուսուցանողների դասը, որ տարիներ շարունակ ամուլ էր՝ ոչ բարենպաստ ժամանակներով պարտադրված:

Հիշարժան այդ օրը սկսվեց Սուրբ Պատարագով՝ նվիրված Հիսուսի պատգամախոսներին, որոնք քրիստոնեական հավատի աննառելի լույսը տարածեցին Հայաստանում: Երիտասարդ պատարագիչ, ՔԴԲԿ-ի փոխնորսին Զարեհ արեղա Վարդյանը հոգևոր արարողության ավարտին հոգեհալջ խոսքով դիմեց ներկա հավատացյալներին, որում կարևորեց Սուրբ Թադեոս և Սուրբ Բարդուղիմեոս առաջալսների աստվածապատգամ գործի խորհուրդը: Նա հետադարձ մի հայացքով ներկաներին վերհիշեցրեց պատմական այն ժամանակների մասին, որում գործեցին զոհաբերության ոգով ապրող և իրենց կոյման կարևորության գիտակցությամբ օժտված նվիրյալները: Նրանք եկան կոապալտության խավարի մեջ խաղաղափող մթազնած Հայաստան՝ սփռելու Քրիստոսի հոգեփրկիչ լույսը: Այդ նվիրական լույսի հետ միասին մեր հայրենիք բերեցին նաև մի փանի նվիրական սրբություններ՝ Հիսուսի պատկերով դաստառակը, Սուրբ Դեղարդը, Աստվածավոր պատկերը և Հիսուսի տված յուզը, որը, համաձայն մեր Եկեղեցու ավանդության, խառնվել է Հայոց աշխարհում օրհնված առաջին Այլառնին: Թադեոս-բարդուղիմեոսյան քաղաքացիական լույսից ծագեց մեծապայան

վարդապետությունը, դառնալով մեր ինֆնուբյան անձնագիրը, անխառն պահեց մեր ազգային նկարագիրը: Այդ սուրբ նահատակների արյան վրա վեր խոյացավ Հայաստանյայց եկեղեցին, որն իբրև ոգեղեն անառիկ մի ամրոց՝ անհողորդող ու անասան պահեց մեզ: «Հայ Առաքելական Սուրբ եկեղեցին մեր ազգային միասնականության ջահակիրն է, հզոր կամուրջը Հայաստանի ու Սփյուռքի միջև»,- ընդգծեց հոգեշնորհ հայր սուրբը:

Այնուհետև Վեհարանում կայացավ սեմինար, ուր քաջման խոսքով հանդես եկավ օրվա պատարագիչը: Նա իր ողջույնի խոսքը հղեց ներկաներին, մասնավորաբար կրոնի ուսուցիչներին, որոնք եկել էին Երևանից, Արմավիրից, Վանաձորից, Արտաշատից, Մասիսից, Ապարանից: Ապա կարևորեց այն մեծ գործը, որ գթասրտության ոգով ու սիրով պիտի կատարեն մեր ուսուցիչները, ինչպես ժամանակին արել են Սուրբ Մեսրոպ Մաշտոցը, Սահակ Պարթևը, Ներսես Շնորհալին և այլք: Բանախոսը մասնավորաբար ասաց. «Պետք է կրթել ու դաստիարակել մեր նախնայրերի ավանդներին հավատարիմ սերունդ՝ աստվածապաիս, հայրենասեր, եկեղեցասեր, քրիստոնեական առաքինություններով վերափոխված: Համայնավարական Հայաստանում խախտվել էր վաղեմի սրբազան ավանդույթը՝ եկեղեցի-դպրոց կապը: Այսօր մենք վերագտնում ենք մեր պատմական անցյալի թանկագին կորուստները՝ դրանց թվում վերականգնելով այն աղերսները, որով եկեղեցին ու դպրոցը կապված են եղել դարերի ընթացքում: Այդ կապն է ոգեշնչել հայ ուսուցչին՝ կրթելու սերունդներին, և ազգային սրբազան գաղափարների ու հոգևոր նկարագրի ձևավորման առաջին օրրանը դպրոցն է, որը սովորեցնում է լինել քարի, ազնիվ, առաքինի և նշմարտախոս: Այդպիսի հատկանիշներով օժտված սերունդ դաստիարակելու համար պետք է նրանց լսելի դարձնել Աստծու խոսքը: Այդ խոսքը Աստծու նշմարիտ վարդապետության ուսուցումն է, որը պետք է կատարեն մեր ուսուցիչները: Կրոնի ուսուցիչը ոչ միայն այս նշմարությունը պետք է ուսուցանի, այլև այն որպես ապրելակերպ գերազույն համոզում դարձնի: Որքան խոսքն ու գործը մեկտեղվեն, այնքան արդյունքներ կլինի: Ինչպես Գարեգին Առաքինն է ասում, երբ խոսքը հետևի գործին, կլինի խիղճը հոգու: Ազգային դպրոցը պետք է կրթի այնպիսի սաներ, որոնք կդառնան ազգի և եկեղեցու նվիրյալներ»: Վեհափառ Հայրապետը փառալերում է այս գործի նախանձախնդիրներին, միջոցներ տրամադրում մասնագետների պատրաստման, անհրաժեշտ գրականության տպագրման համար:

«Հոգևոր կյանքը Հայաստանում» դասախոսությանը հանդես եկավ հոգեշնորհ Տեր Վազգեն վարդապետ Միրզախանյանը: Նա ցավով նշեց, որ Հայ Առաքելական Սուրբ եկեղեցին հետխորհրդային տարիներին նախորդ տարիներից ժառանգեց եկեղեցական կառույցների ոչնչացում, հոգևորականության աֆսոսում, եկեղեցիների պայթեցում: Հոգևոր կյանքի պակասը ամենուրեք զգացնել էր տալիս իրեն: Մայր եկեղեցին արցախյան շարժման առաջին խել օրերից փորձ կատարեց պատասխան տալու մեր ժողովրդի հոգևոր լիցքին, որ ձգվում էր դեպի իր արմատները: Նախ ստեղծվեցին կիրակնօրյա դպրոցներ, ֆարոգչական կենտրոն, ապա ձևավորվեցին նոր թեմեր, կրկնապատկվեց հոգևոր ճեմարանի սաների թիվը, հոկտեմբեր ամսից հայոց բանակում նշանակվեց հոգևոր խորհրդատու: Այս ընթացքում Երևանի պետական համալսարանում քաջվեց Աստվածաբանական ֆակուլտետ: Նշանակալից էր քրիստոնեական դաստիարակության և ֆարոգչության կենտրոնի ստեղծումը: Այսօր ֆարոգչական կենտրոնը քաղկացած է քրիստոնեական կրոն դասավանդող ուսուցիչների վերապատրաստման հանձնախմբից, հրատարակչական մարմնից, մշակույթի բաժնից, «Քրիստոնեայ Հայաստան» թերթի խմբագրակազմից և ֆարոգչական բաժնից:



Ի նպաստ ֆրիստոնեական դաստիարակության գործի՝ կենտրոնը րավականին ծավալուն աշխատանքներ է կատարում. կրոնի ուսուցիչների վերապատրաստումից բացի երատարակում է դասագրքեր և ծրագրեր, կազմակերպում ֆրիստոնեական հանդիսություններ, ուխտագնացություններ և այլն: Մայր Աթոռի և ՔԴԲԿ-ի արդյունավետ գործունեության պտուղն են նաև այսօրվա հանդիսությունը և Հայաստանի տարբեր շրջաններում առկա հոգևոր աշխուժությունը:

Հաջորդ քանախոսը երևանի պետական համալսարանի աստվածաբանական ֆակուլտետի դեկան գերաշնորհ Տեր Շահեն արքեպիսկոպոս Աննիմանն էր, որը «Առաքելական հաջորդականության վարդապետությունը» դասախոսությամբ ներկայացրեց պատմական մի ակնարկ Քրիստոսի աշակերտների ֆարգչական գործունեության մասին՝ կատարելով կարևոր նշգրտումներ:

Ուսուցիչներին ողջունելու էր եկեղ նաև ՀՀ գիտության և կրթության նախարար Արտաշես Պետրոսյանը: Նա իր անկեղծ զգացումն արտահայտեց հանդիսության վերաբերյալ՝ համարելով այն անսպասելի և հուզիչ: «Մենք երիտասարդ, անկախ պետություն ենք, և ֆրիստոնեական նշմարիտ հավատքը կդրեղացնի մեր պետությունը: Ուրախ եմ, որ մեր դպրոցներում կունենանք հիանալի ուսուցիչներ, որոնք մեր ապագա սերունդին կդասավանդեն այդ հավատի մասին»,- ասաց նա: Ապա խիստ կարևորեց Մայր Աթոռի, մասնավորապես Քրիստոնեական դաստիարակության և ֆարգչության կենտրոնի կատարած աշխատանքը, ինչպես նաև խոստացավ հնարավորության սահմաններում նպաստել, որպեսզի Հայ Առաքելական եկեղեցու հավատքը տեղ գտնի մեր դպրոցներում, հայ մանուկների սրտերում:

Հանդիսության ընթացքում հնչեցին «Ուրախ լիք Սուրբ Եկեղեցին», «Էջմիածինն ի Հօրէ», «Երանելի սուրբ առաքելք» շարականները: Ելույթ ունեցան նաև ՔԴԲԿ-ի մշակույթի բաժնի ջութակահարների խումբը, Սուրբ Գրիգոր Լուսավորիչ կիրակնօրյա դպրոցի երգչախումբը: Կրոնի դասընթացների ավարտական վկայականներ հանձնվեցին գործող հինգ յարանների 278 անդամի և երևանի ու Էջմիածնի կիրակնօրյա վարժարանների 68 ուսուցիչի:

Սեմինար-հանդիսությունը եզրափակվեց Ամենայն Հայոց կաթողիկոս Ն.Ս.Օ.Տ.Տ. Գարեգին Առաջինի օրհնության խոսքով: Ողջունելով հանդիսության մասնակիցներին և շնորհակալության ու զմահատաննի խոսք ուղղելով կրթական գործին սատար կանգնողներին, հատկապես այդ գործի կազմակերպիչներ Վազգեն վարդապետ Միրզախանյանին և նրա օգնական Ջարեն արեղա կարաղյանին՝ նորին Սրբությունը նույնիերի 29-ը իմաստավորեց որպես հոգեփոխության մի պահ:

Լինելով աշխարհում ֆրիստոնեություն ընդունած առաջին ազգը՝ պետք է մեզ պարտավորված զգանք և խոսքն ոչ թե պատմության անունից, այլ մեր ներկա գործունեությամբ պանծացնենք մեր Եկեղեցին:

Քրիստոնեությունը սոսկ նորկտակարանյան պատմություն չէ, գրգռաշատությունը դեռևս աստվածապաշտություն չէ: Եկեղեցին միայն ծես չէ, այն Քրիստոս Աստծու և մարդու հանդիպումն է, իսկ աղոթք՝ նրանց միացնող ուժը: Երեխաներին պետք է աղոթել ուսուցանել, բացատրել, որ կյանքի ուժը Հիսուսի մեջ է: Կարևոր ու պատասխանատու է ուսուցչի առաքելությունը, և նա է, որ վերստին պիտի ստեղծի ֆրիստոնեությունը սնող հողը: Վեհափառ հայրապետը նշեց, որ Հայաստանում սկսված ֆրիստոնեական վերագարթումը հոգևոր սնունդի կարիք ունի, և Մայր Աթոռը պատրաստ է շարունակելու հոգևոր ջրաշխի իր առաքելությունը: